

bantur, ut servari possent ad usus pro tempore necessarios. Similia habet de Opere monach., c. 14, et concione tertia in Ps. 103. Et ratione probatur, quia non poterat Christus non habere usum aliquarum rerum, et illum habebat liberum, et independentem ab alio, qui omnino esset extra collegium Apostolicum; ergo necesse est ut vel Christus ipse, vel saltem totum illud collegium haberet talium rerum dominium. Patet consequentia, tum quia dominium nihil aliud est quam facultas libera utendi re in omnem usum. Tum etiam quia illae res non habebant alium dominum. Nisi quis fortasse dicat voluisse Christum, ut vel soli Apostoli haberent illud dominium, vel certe ut maneret apud eos a quibus eleemosynas accipiebant, ipsis solum usum recipientibus, quae tamen et valde frivola sunt, et sine fundamento conficta. Quia hoc neque ad perfectionem spectabat, neque ad morallem usum aliquid referebat. Et haec est fundamentalis ratio hujus veritatis, quia hujusmodi dominium in communi neque perfectioni, neque ejus statui repugnat.

10. *Proprium particulare rerum dominium post baptismum quando Christus habuit.* — Secundo, verisimilium mihi est in aliqua etiam parte illius temporis habuisse Christum dominium aliquarum rerum proprium, et in particulari. Hoc probatur, quia non statim ac baptizatus fuit, habuit discipulos, quibuscum in communi viveret, ut eis statim essent omnia communia; sed aliquo tempore saltem brevi solus degebat, et quando coepit habere sectatores, non statim habuit illos stabiles, et perfectionem profitentes. Unde legimus semel atque iterum Apostolos vocasse, quia non statim a principio cum eo permanerunt, nec effecerunt unum veluti corpus politicum, quod esset capax dominii communis; ergo necesse erat ut eo tempore, eorum, quae Christus possebat, et ad victimum et vestitum ei donabantur, proprium ac peculiare haberet dominium, ut eisdem rationibus ostendi potest. Quia tunc habebat liberum usum illarum rerum, nec potest fingi apud quem alium earum dominium resideret. Praeterea hoc nihil perfectioni derogat, quia pro temporis et status opportunitate non poterat esse alia conveniens vivendi ratio. Denique hoc ipsum insinuat Joannes XXII, dicens, cum hoc non sit per se malum, etiam decuisse ut in hoc genere paupertatis et moderati dominii Christus esset hominibus exemplo. Cum enim Christus esset commune omnium exemplar et doctor, de-

cuit ut omnibus praebere exemplum, et iis qui perfectam, et iis qui minus rigidam paupertatem profiterentur.

11. *Tertio, certum esse debet Christum Dominum aliqua parte illius temporis, nihil proprium in particuli habuisse, sed ad summum in communi.* Hoc sentit uterque Pontifex supra citatus. Et colligitur satis ex locis Evangelii, et aliis conjecturis et rationibus ad ductis.

12. *Christus aliquando rerum omnium dominio omnino caruit.* — *In rebus usu consumptibilibus dominium ab usu quomodo distinguitur.* — *Quarto, an aliquando Christus tam in speciali quam in communi omnium rerum proprietate caruerit, dubium et incertum est.* In hoc enim Pontifices dissidere videntur; possumus autem haec uti distinctione. Nam aliud est actu carere hujusmodi rerum dominio; aliud vero etiam professione seu proposito, vel (ut ita dicam) etiam apostolice. Prior modo, dubitari non potest quin Christus Dominus aliquando caruerit dominio rerum omnium, tam in communi, quam in particulari, ut fortasse cum dicebat: *Filius hominis non habet ubi caput suum reclinet;* vel quando mulieres cum sequebantur ministrantes ei ex facultatibus suis, Lucæ 8. Quod si dicas tunc saltem habuisse vestes quibus operiebatur, quarum dominium non erat apud alium; sed apud ipsum, vel saltem apud collegium Apostolicum, dicam certe, saltem eo tempore quo in cruce peperdit, omnium rerum temporalium et usu et dominio caruisse. Nam libenter cessit iis qui proprias vestes eripuerant. Alii vero ab hac generali propositione excipiunt vestes quibus utebatur, quod mihi non displicet. Nam, licet in cruce vi privari potuerit usu illarum, non tamen dominio quod antea habebat, qualecunque illud fuerit. Unde scriptum est: *Diviserunt sibi vestimenta mea, et supra vestem meam miserunt sortem,* Psal. 21; ubi vox illa mea, dominium indicat. Et hoc satis foisse videtur, ut Nicolaus dicere potuerit Christum dedisse nobis perfectissimæ paupertatis exemplum, tam in communi quam in particulari. Nam et Chrysost., hom. 17 in 2 epist. ad Cor., explicans illa verba: *Propter nos enim factus est,* et inquirens quae fuerit illa Christi paupertas, respondet fuisse eam quam in sua passione monstravit. Posterior modo non reperio, quod aliquot tempore Christus Dominus hoc genus paupertatis professus sit, ita ut neque in communi, neque in particulari aliquid proprium habere decreve-

rit. Quod ut declaretur, fingamus Christum paupertatem voto firmasse, et Apostolos votum paupertatis emisse. Dico ergo nunquam instituisse eam vita rationem, et statum in quo nihil essent habituri, neque in communi, neque in particulari, nec hanc paupertatem vovisse. Probatur, quia in nocte cœnæ Christus habebat loculos; ergo in communi habebat dominium aliquarum rerum (ut Nicolaus fatetur); ergo signum est nunquam antea professum esse illum vitæ statum, qui hoc dominium in communi non admitteret. Nam si aliquando eam rationem vivendi Christus instituisset, ab ea nunquam recessisset. Fuisse enim quodammodo ab inchoato majoris ac strictioris paupertatis statu decidere; et juxta hæc possunt intelligi quæ Joan. XXII de Christi paupertate docet, quanquam fundamentum ejus nobis probare non sit necesse. Existimat enim usum et dominium non distinguiri in his rebus quæ usu consumuntur, et inde concludit, si Christus habuit usum, habuisse etiam dominium. Quæ collectio, si bona esset, non solum concluderet de dominio in communi, sed etiam in speciali. Illud ergo, quod Joannes assumit, non pertinet ad doctrinam fidei, unde non est ab eo ut Pontifice definitum, sed ut a privato doctore probabilitè existimat, atque idcirco necesse non est ut illi assentiamus. Verius enim est etiam in his rebus inveniri posse facultatem utendi, quæ vere dominium non sit, et quod definita sit ad determinatum usum, semperque a voluntate alterius pendeat. Non igitur hac ratione negamus Christum caruisse hoc dominio in communi; sed quia ex Evangelio colligi potest, nunquam eum professum esse hujusmodi paupertatis genus.

13. Dices: hoc est perfectius; ergo oportuit ut aliquo tempore illud profiteretur. Respondeo primum, satis esse ut interdum eam paupertatem exercuerit. Quia, licet profiteri hanc paupertatem ad statum perfectionis pertinere possit, non tamen necesse est ut ad majorem perfectionem pertineat. Nam pro diversitate personarum et statuum, interdum ita esse potest, interdum minime. Unde Joann. XXII in hoc sensu definit, non esse statui perfectionis contrarium aliquid in communi possidere. Et quidam dicti Fraticelli (qui oppositum docuerunt) ut hæretici damnati fuerunt. Quapropter, cum Nicolaus indicat quod habere loculos aliquid de perfectione diminuit, dicens Christum, cum loculos habuit, sese infirmioribus minusque perfectis

accommodasse, ut omnibus exemplo esset, quidam dicunt non hoc definiisse, sed aliud agendo, ut particularem doctorem tradidisse; quod insinuat Bened. XII, ut colligitur ex Directorio inquisitorum, q. 12 et 18. Melius vero dicitur, Nicolaum solum asseruisse in genere paupertatis, minorem minusque rigidam esse illam quæ loculos habere permittit; non vero inde fit quod semper pertineat ad majorem perfectionem simpliciter. Adde, quamvis in particulari persona, vel Ecclesiæ congregatione, ad perfectionis statum pertineat, profiteri paupertatem in communi, vel in particulari, tamen respectu totius Ecclesiæ non pertinere ad perfectionem ejus, ut non habeat bona communia, id est, ut ea bona, quibus aluntur membra ejus, non sint sub dominio saltem ipsius corporis Ecclesiæ. Unde primitiva Ecclesia, quæ videtur professa statum perfectionis, habebat dominium bonorum in communi. Quia ergo Christus cum Apostolis Ecclesiam inchoabant, necesse fuit ut ea bona, quæ habebant, essent sub dominio illius corporis. Et ad hunc modum posset exponi Nicolaus Papa. Nam ibi ait Apostolos abdicasse dominium rerum in particulari, et in communi. Quod nequit intelligi de abdicatione communi respectu totius Ecclesiæ. Neque enim negari potest quin, eo tempore quo fidelibus omnia erant communia, ea bona, quibus utebantur Apostoli, essent sub dominio totius Ecclesiæ; ergo solum possunt abdicasse dominium in communi, communitate aliqua particulari, quæ fuerit specialis congregatio et pars Ecclesiæ. Sicque dici potest, vivente Christo, nihil proprii habuisse collegium Apostolicum, etiam in communi. Quia quidquid habebant, commune erat ipsis et omnibus fidelibus, seu Christi sectatoribus et discipulis. Et ita verissimum est Christum dedisse exemplum omnis perfectæ paupertatis, que in Ecclesia esse potest convenienter.

14. *Inter Nicolaum et Joannem XXII Pontifices nullum de Christi paupertate dissidium.* — *Dubium.* — *Responsio.* — Ex his constat quid dicendum sit ad dictorum Pontificum decreta. Ut enim alia omittamus, quæ praesentis disputationis non sunt, quod ad nos pertinet, nulla est inter eos contradicatio, quod etiam Joannes XXII in ultima extravaganti declaravit. Joannes enim docuit Christum aliquando habuisse rerum dominium, vel in particulari, vel in communi, et contrarium ut hæreticum damnat; hoc autem

Nicolaus non negat, sed potius expresse id admittit, dum declarat Christum habuisse loculos. Non definit autem Joannes, semper Christum habuisse hoc dominium, quia ex Evangelio colligi non potest, et ipse solum docet quod in Evangelio continetur; fieri ergo potuit, quod Joannes non negat, ut aliquando neque in communi, neque in speciali quicquam Christus habuerit, quanquam hoc multo minus sit certum, quod a Nicolao non expresse asseritur, et explicandum est juxta superius dicta. Sed roget quis, utrum Christus votum prædictæ paupertatis nuncupaverit, sicut D. Thomas de Apostolis probabilius colligit ex illis verbis: *Ecce nos reliquimus omnia et secuti sumus te.* Nam inde videtur haberri, Apostolos hac in re fuisse Christum imitatos, atque adeo illum, ut ipsi foret exemplo, idem propositum ostendisse, votoque firmasse. Sed hac in re nihil addendum occurrit iis qua in simili de castitate antea diximus. Nam, licet Medina hic definit ut certum, Christum hujusmodi votum non emisise, nihil tamen novi afferit quod id ostendat; nec D. Thomas, cuius sola auctoritate et rationibus ipse nititur, id ut certum definit, ut supra satis explicatum reliquimus.

15. Illud sane certius est, sive Christus paupertatem hanc voverit, sive non, libera tamen et spontanea voluntate illam assumpsisse, ut nostram salutem operaretur, nobisque perfectionis exemplo esset. In quo graviter erravit Armachanus, ser. 4, qui dixit Christum nullius rei dominium vel proprietatem habuisse, non voluntate sua, sed quia ea conditione accepit a Deo usum rerum, ut nullam sibi posset appropriare. Tale enim, inquit, accepit dominium, quale Adam in statu innocentiae; Adam vero hac conditione usum rerum accepit. Quæ omnia vana sunt, et sine fundamento, et contra Paul., 2 ad Cor. 8, dicentem, esse gratiam et beneficium Christi, quod egenus fuerit propter nos. Ad hæc Christus voluntarie pro nobis dolores passionesque sustinuit; ergo simili voluntate pro nobis pauper factus est. Item Joan. 6, cum turbae illum creare vellent regem, voluntarie fugit. Denique illud, quod de Adamo dicitur, incertum est, et fortasse non verum; tamen (quamvis ita esset) Christus non erat subditus illis legibus, et præterea cum secundum corpus factus fuerit in similitudinem carnis peccati, et quoad hoc non assumpserit perfectiones justitiae originalis, consequenter fuit capax dominii, et proprietatis quæ introducta

est, et accommodata statui naturæ lapsæ, et carnis passibilis. Quod ergo Christus non assumpserit hoc dominium politicum et humanum, non ideo fuit quia esset incapax illius, sed quia voluntarie illud a se abdicavit, seu usurpare noluit.

16. *Dubium.* — Tandem solet circa hanc Christi paupertatem inquiri, an interdum tanta fuerit ut mendicare compulsus sit. Cajet., Matt. 5, negat Christum aliquando mendicasse; cuius sententiam sequitur Medina hic; et Castrus, lib. 10 adversus haeres., verbo *Mendicitas.* Fundamentum horum auctorum solum est, quia non legimus Christum mendicasse. Quanquam enim Joan. 4 legamus Christum petuisse a Samaritana potum aquæ, illud vero non fuit proprie mendicare, nam illud etiam divitibus et nobilioribus interdum venit. Quin potius, legimus Christum mendicis et egenis eleemosynam erogasse; legimus etiam mulieres quasdam Christi sectatrices, suis eum facultatibus susstentasse, non tamen semper habuit mulieres sectatrices. Nam in principio sua prædications, quando discipulorum delectum habere coepit, non est verisimile statim adhæsisse ei comites feminas, in ejusque obsequium suas facultates erogasse. Deinde, quia Matt. 21 legimus Christum aliquando venientem Bethania Jerosolymam in itinere esurivisse, et ad arborem fici accessisse, ut inde reficeretur; non ergo tunc aderant feminæ quæ ex facultatibus suis illum alerent. Quid ergo prohibet quominus similem persæpe passus inopiam, et mendicato sibi subvenierit? Præterea, verisimilius videtur Apostolos interdum mendicasse, ut quando missi sunt sine pecuniis et cæteris rebus, apud Matth. et Luc., utrobique capite decimo, ut prædicarent, et ab iis quos docebant, victum haberent, juxta illud: *Dignus est operarius mercede sua;* cur ergo non crederemus illud etiam interdum fecisse Christum, ut Apostolos suo inflamarret exemplo, et quia actus ille est bonus, et humilitatem præ se fert? Neque enim verum est fuisse inter Judæos mendicare prohibitum. Verbum enim illud Deuteron. 15, non prohibitionem continet, sed promissionem; promittit enim Deus illis tantam rerum abundantiam, ut nemini mendicare futurum necessesse sit. Quæ promissio sub conditione facta est, quæ ibi statim subjungitur: *Si andieris vocem Domini Dei tui;* et ideo non est impleta, quia conditio non est apposita. Vel certe (ut exponit D. Thomas 2. 2, q. 189, art. 5, ad 3) licet illa sit prohibito, non tamen fit egenis ne mendicent; sed divitibus, ne in subveniendis pauperibus ita sint avari, ut eos cogant mendicare. Quæ expositio videtur magis consentanea textui, tum quia ibi non tradebantur promissiones, sed potius præcepta,

vel admonitiones quædam ad misericordiam pertinentes. Tum quia statim subjungitur in Vulgata: *Non erit mendicus inter vos, ut benedicat tibi Dominus.* Intelligendum autem puto illud non tam fuisse rigorosum præceptum, quam exhortationem ad elargiendas copiose eleemosynas; tamen, quia id re ipsa futurum non erat, subjungitur ibidem: *Non deerunt pauperes in terra habitationis tuæ, et ideo ego præcipio tibi ut aperias manum fratri tuo, etc.,* ubi nomen *pauperis* mendicum significat, ut constat ex hebræo, quia eadem vox est utrobique; et quia præceptum eleemosynæ (quod statim subjungitur) raro obligat, nisi quando is, qui indiget, petit; non ergo prohibiti erant mendici, qui ibidem futuri esse prædicens. Unde in Evangelio legimus multos inter Judæos mendicasse, ut de duobus cœcis, Joan. 9, Luc. 18; et de alio claudio, Act. 3; et de Lazaro, Luc. 16. Et hinc facile constat nullius momenti esse conjecturam illam, quod Christus interdum aliis eleemosynam dabant. Hoc enim etiam de Apostolis dici posset, et de omnibus fere qui paupertatem voluntariam profitentur, quibus frequenter accidit ut nonnulla, quæ mendicando quiescerunt, pauperibus elargiantur. Tandem de Christo recte intelligitur illud Psalm. 39: *Ego autem mendicus sum et pauper.* Nam Psalmum illum de Christo intelligit Paul., ad Hebr. 9; item illud Psalm. 108: *Persecutus est hominem inopem et mendicum.* Petrus enim, Actor. 1, exponit persecutorem illum esse Judam, atque adeo mendicum fuisse Christum. Et ita etiam ibi interpretatur Hieronymus, Augustinus, Theodoretus, et Arnobius; Basilius etiam in Regulis brevioribus, regul. 262, ita legit locum illum Pauli, 2 ad Corinth. 8: *Propter nos mendicus factus est.* Quia verbum græcum πτωχεύω, proprie mendicare significat, quanquam interpretetur, eum posse dici mendicum, quia ex divite egenus factus est; et similiter alii Patres sentiunt posse mendicum exponi, id est, *pauperem et egenum;* tamen nihil etiam vetat, quod proprie et in omni rigore intelligatur, et idem est de aliis testimoniis quæ Waldensis congerit.

18. *Responsio:* *Christum aliquando mendicasse probabile.* — Quocirca (si in re incerta judicium ferendum est) hæc posterior sententia videtur magis probanda, quia, supposita Christi paupertate, et variis itineribus, vix fieri potuit ut non interdum illi occurrerit necessitas mendicandi; præsertim *cum tantæ paupertatis fuerit* (ut notat Hieron., Matth.

21, et ita nulli adulatus sit, ut interdum in urbe maxima nullum hospitem, nullam inuenierit mansionem, et oportuerit eum redire Beathaniam, ut in domo Lazari hospitio recipetur. quod certe quoddam genus mendicitatis erat. Atque hactenus de Christi paupertate.

49. *Christus religiosus quomodo fuerit.* — Ultimo loco, ex his omnibus facile colligi potest quid propositae questioni respondendum sit. Nam si loquamur de statu religionis, qui per tria vota essentialia constituitur, manifeste constat Christum Dominum hoc sensu religiosam vitam professum non esse. Quia neque illa tria vota emisit, nec satis constat an aliquod eorum nuncupaverit. Si vero consideremus id quod perfectionis est in statu religionis, et religiosum vocemus eum qui se totum ab affectu humanarum rerum abstractit, ac divino cultui perpetuo et immobiliter consecravit, sic certum est Christum instituisse vitam habentem excellentiori modo quidquid perfectionis est in vita religiosa, seclusis imperfectionibus. Nam status religionis solum est via ad perfectionem, Christus autem nunquam fuit in via perfectionis, sed semper in termino. Rursus alii indigent voto quo eorum vitae ratio stabilis ac firma censatur; Christo autem Domino sufficiens ad hoc erat deliberata voluntas, firmumque propositum, quia de se erat ita confirmatus in bono, ut semper, quod esset perfectius, facillime posset operari. His autem aliisque ablatis imperfectionibus, in Christo fuit summa perfectio paupertatis, castitatis et obedientiae, ad Deum quidem jure et facto, ad homines vero saltem usu et facto. Nam homini jure subdi non debuit, non propter defectum, sed potius propter personae majestatem et excellentiam. Denique summam habuit perfectionem charitatis, ad quam haec omnia ordinantur; habuit ergo eminentissimo modo quidquid perfectionis in religiosorum conventibus, et in quolibet alio perfectionis statu esse potest.

## SECTIO III.

*Urum Christus vitam austera agere debuerit, an moderatam.*

4. Questionis intelligitur de vita severitate in iunctu et vestitu, rebusque aliis quae ad corporis castigationem pertinent. Ratio dubiandi est, quia multis de causis videtur devenisse, ut Christus magis quam alii homines, hoc vitae genus insitueret. Primo, quia ejus-

modi vitae severitas maxime est ad hominis perfectionem in statu naturae lapsae proppter vincendas cupiditates, exercendamque patientiam necessaria; ergo, quamvis Christus propter seipsum non egeret hoc medio ad perfectionem acquirendam, tamen ut homines ad illud amplectendum aliceret, oportuit ut eo uteretur. Secundo, quia hujusmodi corporis afflictiones sunt ad satisfaciendum Deo pro peccatis aptissimae; quamvis autem Christus non haberet peccata, pro quibus satisfaceret, tamen tota mortalis ejus vita ordinata est ad satisfaciendum pro nostris; ergo, ut non solum ex dignitate personae, sed etiam ex ipsorum operum proportione et qualitate magis satisfaceret, decuit ut hanc vitam rationem assumaret. Tertio, multum confert hoc severae vitae institutum ad commovendos homines, et persuadendum, quia magnam conciliat sanctitatis opinionem. Et licet non debeat propter hunc finem praecipue fieri, tamen, quando simul sperari hic fructus potest, non est malum, sed potius bonum simul intendere. Sed incarnatio et vita Christi ordinabatur ad docendos, excilandoque homines ad virtutem et poenitentiam; ergo propter hunc etiam finem maxime decuit ut vitam severitatem servaret Christus, et ostenderet. Quae omnia in Joanne Baptista confirmari possunt, qui exigua vita austerritate est usus, non quidem propter peccata quae commiserat, quae vel nulla vel exigua fuerunt; sed ne illa committeret, et ut hominibus poenitentiae praebaret exemplum, sieque sanctitatis exemplo et opinione, apud homines plurimum valeret, et testimonium de Christo redderet. Quarto, potest haec pars suaderi ex facto ipso; nam vita austera nihil aliud esse videtur quam vita laboribus et doloribus plena, et perpetuae cuidam affectioni seu corporis mortificationi et cruci subjecta; constat autem ex historia Evangelica, hujusmodi fuisse Christi Domini vitam; ergo.

2. *Vita Christi cur austera non decuit.* — *Victus Christi qualis.* — *Vestitus Christi qualis.* — *Vestimentorum Christi qualitas.* — Dicendum vero est primo, non oportuisse ut Christus austernum vitae genus proflueret. Conclusio haec est certa, quae satis probatur, primo ex factis et verbis ipsiusmet Christi. Matt. enim 11 dixit: *Venit Joannes non manducans, neque bibens, et dicunt: Daemonium habet. Venit Filius hominis manducans et bibens, et dicunt: Ecce homo vorax, et potator vini;* ex quo loco colligunt Sancti Patres

consulto Christum instituisse vitam minus severam ac rigidam quam Joannem, *ut facilis omnes lucrisaceret*, ut dixit Chrys., hom. 38 in Matt., qui subdit: *Illam autem vivendi viam, que jejunio claros efficit, Joanni omnino postea dimisit; ipse vero publicanorum, atque peccatorum mensas elegit, ut publicanos et peccatores salvaret.* Dicit autem postea, quia, ut paulo antea dixerat, aliquando Christus *illam quoque vitam confecit, cum quadraginta diebus jejunavit.* Quod brevi tempore fecit ut daret exemplum; communis autem modus vitae fuit alius, ut commodius munus suum impleret. Et ex eodem etiam loco colligit Irenaeus, l. 4 contra Hær., c. 51, *Christum ita conversatum esse cum hominibus, ut eorum communibus cibis uteretur et vinum biberet.* Sed latius hoc persequitur Augustinus, lib. 16 contra Faust., c. 31, animadvertis non ideo dictum esse, Joannem nec manducasse, nec bibisse, quia omnino non manducaret, nec biberet; sed quia vinum et siceram non biberet, sed aquam, nec communibus cibis hominum uteatur, sed locusta, et melle sylvestri. Unice recte concludit de Christo dici: *Venit Filius hominis manducans, et bibens, eo quod et rino, et illo iunctu, quo Judei utebantur, uteretur.* Apertius D. Thomas, Mait. 11: *Dupliciter (inquit) homines attrahuntur ad bonam vitam: quidam enim per speciem sanctitatis, alii per viam familiaritatis.* Dominus et Joannes dixerunt sibi duas vias; Joannes, imo Dominus per Joannem elegit sibi viam austerritatis; per se elegit viam lenitatis. Et infra quærit cur ita se gesserit Christus, et tres reddit rationes sumptas ex fine redemptionis, quæ ibi legi possunt. Idem in Catena, Matth. 11, ubi Chrysostomum et Hieronymum citat, et Luc. 7; ibi affert Augustinum, lib. 2 Quæstionum Evang., in 11, dicentem, Christum utendo cum cœteris cibo et potu, laetitiam regni significasse. Multa similia habent alii Patres, et expositores his locis; Ambros., l. 2 in Luc., c. 4; Abulens., Matth. 11, quæst. 43, quinque rationibus confirmat, non decuisse Christum austernam vitam agere. Idem Theophylactus, Euthymius, Cajetanus, Gagneius, Titelmanus, et alii, Matth. 11, ubi Palacios refert Druthmarum dicentem: *Dominus sumens a publicanis corporalem cibum, ut eis spiritualem traduceret, ideo laxius ridebat;* idem Albertus Magnus, Luce 7; Jansenius, in Concor., c. 47. De vestitu autem constat ex Evangelio non fuisse usum ueste contexta ex pilis camelorum, aut zona pellicea, sicut Joannem;

sed aliis, quæ in more essent apud Judæos. Tum quia si in hoc aliquid singulare Christus egisset, non omnes Evangelistæ id prætermisissent. Tum etiam quia uestis aspera et rigida, ac mensa vulgaris et communis non recte inter se cohærent. Tum etiam quia sæpe in Evangelio fit mentio vestimentorum Christi, et indicatur non fuisse unum et simplex; quin etiam fuisse ex materia communi, qua reliqui homines utebantur. Hoc patet ex Joann. 13: *Surgit a cena, et ponit vestimenta sua,* non quidem omnia (ut per se constat), neque enim nudum manere decebat; pluribus ergo vestibus induebatur. Quod etiam ex iis quæ in passione narrantur, evidenter constat. Nam Joann. 19, milites quedam uestimenta inter se divisorunt, super tunicam vero inconsutilem sortem miserunt; ergo necesse est fuisse vestes diversas. Imo Euthym., his locis, et super Matt., ex prædictis verbis colligit Christum, ut minimum tribus vestibus usum fuisse, nimis interior tunica, sive subcula, et alio vestimento, quod super indusum gestari solet; et pallio, quod est exterrnum operimentum aliarum vestium. In quo (ut idem auctor meminit) non agebat Christus contra consilium quod Apostolis dederat, Matth. 10: *Neque duas tunicas,* etc. Quia ibi non agit de pluribus vestibus diversarum rationum, quæ veluti unum integrum indumentum constituant, sed de vestibus mutatoriis ejusdem rationis. Sicut Joannes Baptista, cum Luc. 3, dicebat: *Qui habet duas tunicas, det non habenti,* non loquebatur de vestibus diversarum rationum, quæ singulæ ad munus suum necessariæ sunt, ut homo integre et decenter vestiatur; sed agebat de vestibus superfluis, et ad eundem finem confectis. Rursus ex eisdem locis colligere licet, quoniam vestes Christi pretiosæ non fuerint (quod aliqui de ueste inconsutili opinantur), non tamen recte, quia id non decet Christum, qui dixerat: *Qui molibus vestiuntur, in domibus regum sunt;* licet (inquam) pretiosæ non fuerint, non fuisse tamen omnino viles, sed mediocres et communes. Alioquin non tantum diligentiam adhibuissent milites, ut eas partirentur inter se, sortem mittentes, ut nec fieret ulli injuria, nec inter se contenderent cui pars melior esset tribuenda. Nam (ut recte notavit Jansen., c. 143 Concord., et insinuarunt Theophyl. in Marcum, et Ambros. in Lucam) super omnia uestimenta sortem miserunt (ut ex verbis eorumdem Evangelistarum non obscure colligitur), sed specialiter